


春秋公羊傳裁注

四之六


二



漢書門			
三	三	三	三
八	八	八	八
函	函	函	函
架	架	架	架
冊	冊	冊	冊

內閣文庫			
三	八	漢	
五	三	書	
函	八		
一	三		
架	冊	號	類

內閣文庫			
番號	漢	8383	
冊數	4	(2)	
函號	275	11	



春秋公羊傳

閔公

年春王正月

公何以不言即位繼弒君不言即位孰繼繼子

般也孰弒子般慶父也殺公子牙今將爾季子

不免慶父弒君何以不誅將而不免過惡也既

而不可及因獄有所歸探其情而誅焉親親

之道也惡乎歸獄歸獄僕人鄧扈樂曷為歸獄

僕人鄧扈樂莊公存之時樂會淫於宮中子般

肅
公

子般弒不其
于子般弒之
下而許于閔
公即位之下
公羊每有此
書法

樂音洛或如
字

淺草文庫

國史館藏

晉司馬師使成濟弑曹髦而歸獄用此攸智耳

洛左作洛

執而鞭之莊公死慶父謂樂曰般之辱爾國人莫不知盍弑之矣使弑子般然後誅鄧扈樂而歸獄焉季子至而不變也

齊人救邢

夏六月辛酉葬我君莊公

秋八月公及齊侯盟于洛姑

季子來歸

其稱季子何賢也其言來歸何喜之也

冬齊仲孫來

齊仲孫者何公子慶父也公子慶父則曷為謂

之齊仲孫繫之齊也曷為繫之齊外之也曷為

外之春秋為尊者諱為親者諱為賢者諱子女

子曰以春秋為春秋齊無仲孫其諸吾仲孫與

為尊者諱為親者諱為賢者諱為親者諱為季子親親而受之故諱也為賢者諱以季子有過牙不殺慶父之賢故為諱之夫子修史記為春秋今言以春秋為春秋則史記舊有春秋之名

二年春王正月齊人遷陽

夏五月乙酉吉禘于莊公

其言吉何言吉者未可以吉也曷為未可以吉

羊誤左氏為

未三年也三年矣曷為謂之未三年三年之喪
實以二十五月其言於莊公何未可以稱宮廟
也曷為未可以稱宮廟在三年之中矣吉禘於
莊公何以書譏何譏爾譏始不三年也
莊公薨死至是適
二十二月必二十五月者取期再期恩德漸三
年也二十五月漸得三年之竟故曰漸三年

秋八月辛丑公薨

公薨何以不地隱之也何隱爾弒也孰弒之慶
父也殺公子牙今將爾季子不免慶父弒二君
何以不誅將而不免過惡也既而不可及緩迫

逸賊親親之道也

九月夫人姜氏孫于邾婁

公子慶父出奔莒

冬齊高子來盟

高子者何齊大夫也何以不稱使我無君也然
則何以不名喜之也何喜爾正我也其正我奈
何莊公死子般弒閔公弒比三君死曠年無君
設以齊取魯曾不興師徒以言而已矣桓公使
高子將南陽之甲立僖公而城魯或曰自鹿門

孫抑齊桓高
義此公羊作
傳斷案

關思相見
多引此為
故云

至於爭門者是也或曰自爭門至於吏門者是也魯人至今以為美談曰猶望高子也設設時勢然

十有二月狄入衛

鄭棄其師

鄭棄其師者何惡其將也鄭伯惡高克使之將

逐而不納棄師之道也使之將使將師救衛

皇明天啟元年春正月烏程閔齊伋遇五父裁注

此以夫人姜氏將于淋澨

公孫歸之也

春秋公羊傳

僖公

元年春王正月

公何以不言即位繼弑君子不言即位此非子

也其稱子何臣子一例也僖公者閔公庶兄

齊師宋師曹師次于聶北救邢

曹師左作曹伯
傳首救邢
二字誤

救邢不言次此其言次何不及事也不及事者何邢已亡矣孰亡之蓋狄滅之曷為不言狄

滅之為桓公諱也曷為為桓公諱上無天子下

無方伯天下諸侯有相滅亡者桓公不能救則桓公恥之曷為先言次而後言救君也君則其稱師何不與諸侯專封也曷為不與實與而文不與文曷為不與諸侯之義不得專封也諸侯之義不得專封則其曰實與之何上無天子下無方伯天下諸侯有相滅亡者力能救之則救之可也君也者據襄二十三年叔孫豹帥師救晉次于雍榆先言救也叔孫豹臣也當先通君命故先言救今此先言次知實諸侯矣不與諸侯專封故沒君文而但舉師

陳左作夷

夏六月邢遷于陳儀

遷者何其意也遷之者何非其意也遷之如宋人遷宿

齊師宋師曹師城邢

此一事也曷為復言齊師宋師曹師不復言師則無以知其為一事也

秋七月戊辰夫人姜氏薨于夷齊人以歸

夷者何齊地也齊地則其言齊人以歸何夫人薨于夷則齊人以歸夫人薨于夷則齊人曷為以歸桓公召而縊殺之先言薨後言以歸而不言喪者起桓公召夫人於邾歸殺之於夷因而內諱恥使若夫人自薨於夷然後齊人以歸者也

夫人所以薨于夷者乃齊人以歸至夷也解經借文以諱恥意縊一本作縊新華反

楚人伐鄭

八月公會齊侯宋公鄭伯曹伯邾婁人于打

九月公敗邾婁師于纓

冬十月壬午公子友帥師敗莒師于犁獲莒挈

莒挈者何莒大夫也莒無大夫此何以書大季

子之獲也何大乎季子之獲季子治內難以正

禦外難以正其禦外難以正奈何公子慶父弑

閔公走而之莒莒人逐之將由乎齊齊人不納

却反舍于汶水之上使公子奚斯入請季子曰

公子不可以入入則殺矣奚斯不忍反命于慶

父自南浹依北面而哭慶父聞之曰嘻此奚斯之

聲也諾已曰吾不得入矣於是抗軫經而死莒

人聞之曰吾已得子之賊矣以求賂乎魯魯人

不與為是興師而伐魯季子待之以偏戰諾已皆自

畢語猶似今人云休一生罷去已莒人可忿而能結日偏戰是其不加暴之義

十有二月丁巳夫人氏之喪至自齊

夫人何以不稱姜氏貶曷為貶與弑公也然則

曷為不於弑焉貶貶必於重者莫重乎其以喪

行殺貞反又他丁反左殺作煙纓左穀作偃

犁力知反又力兮反左作脚擊女居反一音女加反一本作茹穀竹麗

至也 刑人於市與衆棄之故必於臣子集迎之時貶之所以明誅得其罪

二年春王正月城楚丘

孰城城衛也曷為不言城衛滅也孰滅之蓋狄滅之曷為不言狄滅之為桓公諱也曷為為桓公諱上無天子下無方伯天下諸侯有相滅亡者桓公不能救則桓公恥之也然則孰城之桓公城之曷為不言桓公城之不與諸侯專封也曷為不與實與而文不與文曷為不與諸侯之義不得專封諸侯之義不得專封則其曰實與

之何上無天子下無方伯天下諸侯有相滅亡者力能救之則救之可也 滅也者言是時衛國已滅故不得言城衛

夏五月辛巳葬我小君哀姜

哀姜者何莊公之夫人也

虞師晉師滅夏陽

虞微國也曷為序乎大國之上使虞首惡也曷為使虞首惡虞受賂假滅國者道以取亡焉其受賂奈何獻公朝諸大夫而問焉曰寡人夜者寢而不寐其意也何諸大夫有進對者曰寢不

夏左作下

郭音號又如

謂屈產為地名不似服氏謂產為生產是也棘一本作蘇音同

安與其諸侍御有不在側者與獻公不應荀息
進曰虞郭見與獻公揖而進之遂與之入而謀
曰吾欲攻郭則虞救之攻虞則郭救之如之何
願與子慮之荀息對曰君若用臣之謀則今日
取郭而明日取虞爾君何憂焉獻公曰然則奈
何荀息曰請以屈產之乘與垂棘之白璧往必
可得也則寶出之內藏藏之外府馬出之內廢
繫之外廢爾君何喪焉獻公曰諾雖然官之奇
存焉如之何荀息曰宮之奇知則知矣雖然虞

牽本或作擊音同

公貪而好寶見寶必不從其言請終以往於是
終以往虞公見寶許諾宮之奇果諫記曰屠亡
則齒寒虞郭之相救非相為賜則晉今日取郭
而明日虞從而亡爾君請勿許也虞公不從其
言終假之道以取郭還四年反取虞虞公抱寶
牽馬而至荀息見曰臣之謀何如獻公曰子之
謀則已行矣寶則吾寶也雖然吾馬之齒亦已
長矣蓋戲之也夏陽者何郭之邑也曷為不繫
于郭國之也曷為國之君存焉爾

虞郭見與猶曰虞郭豈見

於君之心乎。屈產出名馬之地。記史記也。賜猶惠也。以馬齒長戲之。喻荀息之年老。

三傳無澤字

秋九月齊侯宋公江人黃人盟于貫澤

江人黃人者何遠國之辭也遠國至矣則中國

曷為獨言齊宋至爾大國言齊宋遠國言江黃

則以其餘為莫敢不至也

江黃附從霸者當進不進方為徧至之辭

冬十月不雨

何以書記異也

楚人侵鄭

三年春王正月不雨

夏四月不雨

何以書記異也

徐人取舒

其言取之何易也

六月雨

其言六月雨何上雨而不甚也

厥以詳錄賢君精誠之應

秋齊侯宋公江人黃人會于陽穀

此大會也曷為末言爾桓公曰無障谷無貯粟

無易樹子無以妾為妻

末者淺耳謂但言會不言盟也桓公功德隆盛

障之亮反音章

殷作公子季
友在音利又
音類左作注

春秋公羊傳

諸侯咸曰。無言不從。曷為用盟哉。故告誓而已。水注川曰溪。注。決曰谷。

冬公子友如齊莅盟

莅盟者何往盟乎彼也其言來盟者何來盟于

我也

莅臨也。春秋王魯故使若王者遣使臨諸侯盟。

楚人伐鄭

四年春王正月公會齊侯宋公陳侯衛侯鄭伯許

男曹伯侵蔡蔡潰

潰者何下叛上也國曰潰邑曰叛

遂伐楚次于陘陘刑

其言次于陘何有侯也孰侯侯屈完也

夏許男新臣卒

楚屈完來盟于師盟于召陵肅

屈完者何楚大夫也何以不稱使尊屈完也曷

為尊屈完以當桓公也其言盟于師盟于召陵

何師在召陵也師在召陵則曷為再言盟喜服

楚也何言乎喜服楚楚有王者則後服無王者

則先叛夷狄也而亟病中國南夷與比狄交中

國不絕若綫嚴桓公救中國而攘夷狄卒怙荆以

一本後服下
亦有楚字

他他協反又

丁第反一本

作括一本作

或音並

反

春秋公羊傳 僖公卷五

此為王者之事也其言來何與桓為主也前此者有事矣後此者有事矣則曷為獨於此焉與桓公為主序績也以當桓公者增倍使若得其君以醇霸德成王事也曷為再言盟孔子曰書之重辭之復嗚呼不可不察其中必有美者焉綫縫帛縷喻微也怙服也廣雅云靜也序次也績功也累次桓公之功莫大於服楚也

或左作諫

齊人執陳袁濤塗

濤塗之罪何辟軍之道也其辟軍之道奈何濤塗謂桓公曰君既服南夷矣何不還師濱海而東服東夷且歸桓公曰諾於是還師濱海而東

大陷于沛澤之中顧而執濤塗執者曷為或稱侯或稱人稱侯而執者伯討也稱人而執者非伯討也此執有罪何以不得為伯討古者周公東征則西國怨西征則東國怨桓公假塗于陳而伐楚則陳人不欲其反由已者師不正故也不脩其師而執濤塗古人之討則不然也

秋及江人黃人伐陳

八月公至自伐楚

楚已服矣何以致伐楚叛盟也

傳云得意致伐不得意致伐

繆左殺作穆葬許繆公

繆左殺作穆下同

冬十有二月公孫慈帥師會齊人宋人衛人鄭人

許人曹人侵陳

五年春晉侯殺其世子申生

曷為直稱晉侯以殺殺世子母弟直稱君者甚

之也

公子貫於先君。唯世子母弟以今君親親也。今舍國體直稱君。知以親親責之。

左傳來字句

杞伯姬來朝其子

其言來朝其子何內辭也與其子俱來朝也

外禮

孫初冠有朝外祖之道。故使若來朝其子。以殺直來之恥。所以辟教戒之不明也。

夏公孫慈如牟

公及齊侯宋公陳侯衛侯鄭伯許男曹伯會王世

子于首戴

曷為殊會王世子世子貴也世子猶世子也

殊別也。世世子解貴意也。言當世父位不可以諸侯會之。故殊之。使若諸侯為世子所會也。

秋八月諸侯盟于首戴

諸侯何以不序一事而再見者前目而後凡也

鄭伯逃歸不盟

其言逃歸不盟者何不可使盟也不可使盟則

其言逃歸何魯子曰蓋不以寡犯衆也鄭僖懷

欲與楚外依古不盟為解安居會上不肯從桓

公盟故云逃歸所以抑一人之惡申衆人之善

楚人滅弦弦子奔黃

九月戊申朔日有食之

冬晉人執虞公

虞已滅矣其言執之何不與滅也曷為不與滅

滅者亡國之善辭也滅者上下之同力者也王有

者起當存之故為善辭又臣子與君戮力

六年春王正月

夏公會齊侯宋公陳侯衛侯曹伯伐鄭圍新城

邑不言圍此其言圍何疆也惡桓公行霸疆而

秋楚人圍許諸侯遂救許

冬公至自伐鄭

七年春齊人伐鄭

夏小邾婁子來朝

鄭殺其大夫申侯

其稱國以殺何稱國以殺者君殺大夫之辭也

秋七月公會齊侯宋公陳世子欵鄭世子華盟于

之殺無婁字
後同

毋音無或音
其報作寧毋

報左穀作班

甯母

曹伯般卒

公子友如齊

冬葬曹昭公

八年春王正月公會王人齊侯宋公衛侯許男曹

伯陳世子欵鄭世子華盟于洮地勞

王人者何微者也曷為序乎諸侯之上先王命

也衛王命會諸侯諸侯當北面受之故尊序於上

鄭伯乞盟

乞盟者何處其所而請與也其處其所而請與

奈何蓋酌之也

酌挹也時鄭伯欲與楚不肯自來盟處其國遣使挹取其血而請與之約束無汲汲慕中國之心故抑之使若叩頭乞盟者

夏狄伐晉

秋七月禘于大廟用致夫人

用者何用者不宜用也致者何致者不宜致也

禘用致夫人非禮也夫人何以不稱姜氏貶也

為貶譏以妾為妻也其言以妾為妻奈何蓋脅

於齊媵女之先至者也

僖公本聘楚女為媵齊女為媵齊先致其女脅

僖公使用為嫡。故從父母辭言致禮。夫人始見廟。當特祭。而因禘諸公廟見。不敬。故譏之。

冬十有二月丁未天王崩

三左作正
禦左作御

九年春王三月丁丑宋公禦說卒

何以不書葬為襄公諱也。襄公背殯出會。故不書葬。使若非背殯者。

夏公會宰周公齊侯宋子衛侯鄭伯許男曹伯于

葵丘

宰周公者何天子之為政者也

秋七月乙酉伯姬卒

此未適人何以卒許嫁矣婦人許嫁字而笄之

死則以成人之喪治之。字者尊而不泄。所以遠別也。

九月戊辰諸侯盟于葵丘

桓之盟不日此何以日危之也何危爾貫澤之會桓公有憂中國之心不召而至者江人黃人也葵丘之會桓公震而矜之叛者九國震之者何猶曰振振然矜之者何猶曰莫若我也

甲戌晉侯詭諸卒

冬晉里克弒其君之子奚齊

此未踰年之君其言弒其君之子奚齊何殺未

戊左穀作
于詭左作
詭

踰年君之號也

十年春王正月公如齊

狄滅溫溫子奔衛

晉里克弒其君卓子及其大夫荀息

及者何累也弒君多矣舍此無累者乎曰有孔

父仇牧皆累也舍孔父仇牧無累者乎曰有有

則此何以書賢也何賢乎荀息荀息可謂不食

其言矣其不食其言奈何奚齊卓子者驪姬之

子也荀息傳焉驪姬者國色也獻公愛之甚欲

立其子於是殺世子申生申生者里克傳之

公病將死謂荀息曰士何如則可謂之信矣荀

息對曰使死者反生者不愧乎其言則可謂

信矣獻公死奚齊立里克謂荀息曰君殺正而

立不正廢長而立幼如之何願與子慮之荀息

曰君嘗訊臣矣臣對曰使死者反生者不愧

乎其言則可謂信矣里克知其不可與謀退弒

奚齊荀息立卓子里克弒卓子荀息死之荀息

可謂不食其言矣

不食言者不如食受之而
消亡之以奚齊卓子皆立

單救肉反
又丁角反
左穀經無
字字

夏齊侯許男伐比戎

晉殺其大夫里克

里克弑二君則曷為不以討賊之辭言之惠公
之大夫也然則孰立惠公里克也里克弑奚齊
卓子逆惠公而入里克立惠公則惠公曷為殺
之惠公曰爾既殺夫二孺子矣又將圖寡人為
爾君者不亦病乎於是殺之然則曷為不言惠
公之入晉之不言出入者踰為文公諱也齊小
白入於齊則曷為不為桓公諱桓公之享國也

長美見乎天下故不為之諱本惡也文公之享

國也短美未見乎天下故為之諱本惡也踰豫也齊

人語若關西言渾矣獻公殺申生文公惠公恐見及出奔不子當絕還入為篡文公功足以掩前人之惡故惠公入懷公出文公入渾皆不書悉為文公諱故也

秋七月

冬大雨雹步角

何以書記異也

十有一年春晉殺其大夫平鄭父意

夏公及夫人姜氏會齊侯于陽穀

左傳父字

左傳作雪

春秋公傳

秋八月大雩

冬楚人伐黃

十有二年春王三月庚午日有食之

夏楚人滅黃

秋七月

處左穀作杵冬十有二月丁丑陳侯處日卒

十有三年春秋侵衛

夏四月葬陳宣公

公會陳侯宋公陳侯衛侯鄭伯許男曹伯于鹹

秋九月大雩

冬公子友如齊

十有四年春諸侯城緣陵

孰城之城杞也曷為城杞滅也孰滅之蓋徐莒脅之曷為不言徐莒脅之為桓公諱也曷為為桓公諱上無天子下無方伯天下諸侯有相滅亡者桓公不能救則桓公恥之也然則孰城之桓公城之曷為不言桓公城之不與諸侯專封也曷為不與實與而文不與文曷為不與諸侯

之義不得專封也諸侯之義不得專封則其曰
實與之何上無天子下無方伯天下諸侯有相
滅亡者力能救之則救之可也

節殺作繒夏六月季姬及鄆子遇于防使鄆子來朝似縱

鄆子曷為使乎季姬來朝內辭也非使來朝使

來請已也范氏云魯女無故遠會諸侯遂得淫

通此亦事之不然左傳曰鄆季姬來
寧公怒之以鄆子不朝遇于防而使來朝此近
合人情何氏以為鄆魯相近信使泆通男女之
情風流應合末世無禮容或有之
若姜氏如莒之流寧可然問也

秋八月辛卯沙鹿崩

沙鹿者何河上之邑也此邑也其言崩何襲邑

也沙鹿崩何以書記異也外異不書此何以書

為天下記異也襲者默陷入於地中也河岸有
高下如山有地矣故得信崩

狄侵鄭

冬蔡侯肸卒

十有五年春王正月公如齊

楚人伐徐

三月公會齊侯宋公陳侯衛侯鄭伯許男曹伯

于牡丘遂次于匡

左設作

厲字格
音賴

春秋公羊傳

公孫敖率師及諸侯之大夫救徐

夏五月日有食之

秋七月齊師曹師伐厲

八月蝶

九月公至自會

桓公之會不致此何以致久也

季姬歸于鄆

巳卯晦震夷伯之廟

晦者何冥也震之者何雷電擊夷伯之廟者也

夷伯者曷為者也季氏之孚也季氏之孚則後

者其稱夷伯何大之也曷為大之天戒之故大

之也何以書記異也孚信也季氏所信任臣

冬宋人伐曹

楚人敗徐于婁林

十有一月壬戌晉侯及秦伯戰于韓獲晉侯

此偏戰也何以不言師敗績君獲不言師敗績

也

十有六年春王正月戊申朔賈石于宋五于敏是月六

字一
字反

春秋公羊傳 僖公卷五

鷓穀作鷓

碩之人反又
大年反一音
芳君反本或
作碑八耕反
逮音代又大
計反

鷓退飛過宋都

曷為先言實而後言石實石記聞聞其碩然視
之則石察之則五是月者何僅逮是月也何以
不日晦日也晦則何以不言晦春秋不書晦也
朔有事則書晦雖有事不書曷為先言六而後
言鷓六鷓退飛記見也視之則六察之則鷓徐
而察之則退飛五石六鷓何以書記異也外異
不書此何以書為王者之後記異也月月是月
邊也魯人
語晦雖有事不書者
重始而終自正也

三月壬申公子季友卒

其稱季友何賢也

夏四月丙申鄆季姬卒

秋七月甲子公孫慈卒

冬十有二月公會齊侯宋公陳侯衛侯鄭伯許男

邢侯曹伯于淮

十有七年春齊人徐人伐英氏

夏滅項

孰滅之齊滅之曷為不言齊滅之為桓公諱也

春秋為賢者諱此滅人之國何賢爾君子之惡

惡也疾始善善也樂終桓公嘗有繼絕存亡之

功故君子為之諱也疾始者絕其始則不得終其惡樂終樂賢者終其行

秋夫人姜氏會齊侯于卞

九月公至自會

十有二月乙亥齊侯小白卒

十有八年春王正月宋公會曹伯衛人邾婁人伐

齊

夏師救齊

穀穀無會

五月戊寅宋師齊師戰于靡齊師敗績

戰不言伐此其言伐何宋公與伐而不與戰故

言伐春秋伐者為客伐者為主曷為不使齊主

之與襄公之征齊也曷為與襄公之征齊桓公

死豎刀易牙爭權不葬為是故伐之也

狄救齊

秋八月丁亥葬齊桓公

冬邢人狄人伐衛

十有九年春王三月宋人執滕子嬰齊

一本會下
無盟字

春秋左傳卷五

夏六月宋人曹人邾婁人盟于曹南鄆子會盟于邾婁

其言會盟何後會也

已酉邾婁人執鄆子用之

惡乎用之用之社也其用之社奈何蓋甲其鼻

以血社也

魯宋許嫁季姬於邾婁季姬淫泆更此盟欲和解之既在會間友為邾婁所欺執用鄆子恥辱加於宋矣

秋宋人圍曹

衛人伐邢

冬公會陳人蔡人楚人鄭人盟于齊

守

梁亡

此未有伐者其言梁亡何自亡也其自亡奈何

魚爛而亡也

梁君隆刑峻法一家犯罪四家坐之。一國之中無不被刑者。而若一

且相率俱去。狀若魚爛。魚爛從內發。故云

二十年春新作南門

何以書譏何譏爾門有古常也

惡奢。秦不來古制常法

夏鄆子來朝

鄆子者何失地之君也何以不名兄弟辭也

春秋左傳

僖公卷五

二十一

五月乙巳西宮災

西宮者何小寢也小寢則曷為謂之西宮有西宮則有東宮矣魯子曰以有西宮亦知諸侯之有三宮也西宮災何以書記異也

西宮在滕所居

鄭人入滑

秋齊人狄人盟于邢

冬楚人伐隨

二十有一年春狄侵衛

宋人齊人楚人盟于鹿上

夏大旱

何以書記災也

秋宋公楚子陳侯蔡侯鄭伯許男曹伯會于霍執

霍本作孟

宋公以伐宋

孰執之楚子執之曷為不言楚子執之不與夷

狄之執中國也

冬公伐邾婁

楚人使宜申來獻捷

此楚子也其稱人何貶曷為貶為執宋公貶曷

為為執宋公貶宋公與楚子期以乘車之會公
子目夷諫曰楚夷國也疆而無義請君以兵車
之會往宋公曰不可吾與之約以乘車之會自
我為之自我墮之曰不可終以乘車之會往楚
人果伏兵車執宋公以伐宋宋公謂公子目夷
曰子歸守國矣國子之國也吾不從子之言以
至乎此公子目夷復曰君雖不言國國固臣之
國也於是歸設守械而守國楚人謂宋人曰子
不與我國吾將殺子君矣宋人應之曰吾賴社

稷之神靈吾國已有君矣楚人知微幾矣公若
不得宋國於是釋宋公宋公釋乎執走之衛公
子目夷復曰國為君守之君曷為不入然後道
襄公歸惡乎捷捷乎宋曷為不言捷乎宋為襄
公諱也此圍辭也曷為不言其圍為公子目夷
諱也襄公憂中國故為諱捷目夷有
解圍存國免主之功故為諱圍
十有二月癸丑公會諸侯盟于薄釋宋公

執未有言釋之者此其言釋之何公與為爾也
公與為爾奈何公與議爾也善信公能與楚
議釋賢者之厄

胸左鼓作向

二十有二年春公伐邾婁取須胸甚

夏宋公衛侯許男滕子伐鄭

秋八月丁未及邾婁人戰于升陘

冬十有一月己巳朔宋公及楚人戰于泓宋師敗

績

偏戰者日爾此其言朔何春秋辭繁而不殺者正也何正爾宋公與楚人期戰于泓之陽楚人濟泓而來有司復曰請迨其未畢濟而擊之宋公曰不可吾聞之也君子不厄人吾雖喪國之

餘寡人不忍行也既濟未畢陳有司復曰請迨其未畢陳而擊之宋公曰不可吾聞之也君子不鼓不成列已陳然後襄公鼓之宋師大敗故君子大其不鼓不成列臨大事而不忘大禮有君而無臣以為雖文王之戰亦不過此也軍法以鼓戰以金止不鼓猶不戰也君子不戰未成陣之師也有君而無臣惜其有王德而無王佐也二十有三年春齊侯伐宋圍緡

緡亡中反設作閏後同直龍反

邑不言圍此其言圍何疾重故也疾痛也重故喻若重故創

矣楚人既敗之齊又圍之如舟將沈而又以石墜之也重故創也故言圍以起其不仁

一慈左報作茲

夏五月庚寅宋公慈父卒

何以不書葬盈乎諱也

盈滿也。以功覆惡也。本以背殯不書其父葬。至身書葬。則嫌霸業不成。所覆者薄。故復使身不書葬。明當以前諱除背殯。以後諱如待計。

秋楚人伐陳

冬十有一月杞子卒

二十有四年春王正月

夏狄伐鄭

秋七月

冬天王出居于鄭

王者無外此其言出何不能乎母也魯子曰是

王也不能乎母者其諸此之謂與

不能事母故絕之言出

晉侯夷吾卒

二十有五年春王正月丙午衛侯燬滅邢

衛侯燬何以名絕曷為絕之滅同姓也

夏四月癸酉衛侯燬卒

宋蕩伯姬宋逆婦

宋蕩伯姬者何蕩氏之母也其言來逆婦何兄

弟辭也其稱婦何有姑之辭也

宋魯之間名結婚姻為兄弟

宋殺其大夫

何以不名宋三世無大夫三世內娶也

內娶大夫女也

禮不臣妻之父母。國內皆臣。無娶道。故絕去大夫名。正其義也。三世謂慈父王臣處白。

秋楚人圍陳納頓子于頓

何以不言遂兩之也

微者不別遂。但別兩稱耳。

葬衛文公

冬十有二月癸亥公會衛子苕慶盟于洮

二十有六年春王正月己未公會莒子衛甯邀盟

于向

齊人侵我西鄙公追齊師至鴛弗及

齊人侵我西鄙公追齊師至鴛弗及

其言至鴛弗及何侈也

侈猶大。大公能却強齊之兵。弗者不之深者也。

夏齊人伐我北鄙衛人伐齊

公子遂如楚乞師

乞師者何卑辭也曷為以外內同若辭重師也

曷為重師師出不正及戰不正勝也

成十六年夏晉侯使

欒黶來乞師。十七年秋晉侯使荀息來乞師。外亦言乞師也。外內皆同卑其辭者深為與人者重之。兵凶器戰危事不得已而用之不正者不正其自謂出當復及戰當必勝爾。

秋楚人滅隗以隗子歸

隗左穀作

冬楚人伐宋圍緡

邑不言圍此其言圍何刺道用師也時以師與魯未至又

道用之不仁之甚也楚自道用故從楚文

公以楚師伐齊取穀公至自伐齊

此已取穀矣何以致伐未得乎取穀也曷為未得乎取穀曰患之起必自此始也未得乎者未可謂得意也

二十七年春杞子來朝

夏六月庚寅齊侯昭卒

秋八月乙未葬齊孝公

乙巳公子遂帥師入杞

冬楚人陳侯蔡侯鄭伯許男圍宋

此楚子也其稱人何貶曷為貶為執宋公貶故終僖之篇貶也

十有二月甲戌公會諸侯盟于宋

二十有八年春晉侯侵曹晉侯伐衛

曷為再言晉侯非兩之也然則何以不言遂未侵曹也未侵曹則其言侵曹何致其意也其意侵曹則曷為伐衛晉侯將侵曹假塗于衛衛曰

謂成衛公之
本意也殺公
子買以說于
晉而以不卒
成悅楚公殺
之皆非左氏得

春秋左傳

不可得則固將伐之也非兩之也者惡國家不重民命一出兵為兩事
公子買成衛不卒成刺之

不卒成者何不卒成者內辭也不可使往也不

可使往則其言成衛何遂公意也刺之者何殺

之也殺之則曷為謂之刺之內諱殺大夫謂之

刺之也使臣子不可使恥深故諱使若往不卒竟事者明臣不當壅塞君命

楚人救衛

三月丙午晉侯入曹執曹伯昇宋人

昇者何與也其言昇宋人何與使聽之也曹伯

之罪何甚惡也其甚惡奈何不可以一罪言也

與使聽之與使聽其獄也

夏四月己巳晉侯齊師宋師秦師及楚人戰于城

濮楚師敗績

此大戰也曷為使微者子玉得臣也子玉得臣

則其稱人何貶曷為貶大夫不敵君也

楚殺其大夫得臣

衛侯出奔楚

五月癸丑公會晉侯齊侯宋公蔡侯鄭伯衛子莒

春秋左傳 僖公卷五

子盟于踐土陳侯如會

其言如會何後會也

公朝于王所

曷為不言公如京師天子在是也天子在是則曷為不言天子在是不與致天子也

六月衛侯鄭自楚復歸于衛

衛元咺出奔晉

陳侯款卒

秋杞伯姬來

公子遂如齊

穀無齊侯二字

冬公會晉侯齊侯宋公蔡侯鄭伯陳子莒子邾婁

子秦人于溫

狩穀作守天王狩于河陽

狩不書此何以書不與再致天子也魯子曰溫

近而踐土遠也

溫近狩地故可言狩踐土遠狩地故不言狩也

壬申公朝于王所

其日何錄乎內也

危錄內再失禮將為有義者所惡

晉人執衛侯歸之于京師

歸之于者何歸于者何歸之于者罪已定矣歸于者罪未定也罪未定則何以得為伯討歸之于者執之于天子之側者也罪定不定已可知矣歸于者非執之于天子之側者也罪定不定未可知也衛侯之罪何殺叔武也何以不書為叔武諱也春秋為賢者諱何賢乎叔武讓國也其讓國奈何文公逐衛侯而立叔武叔武辭立而他人立則恐衛侯之不得反也故於是已立然後為踐土之會治反衛侯衛侯得反曰叔武

篡我元咺爭之曰叔武無罪終殺叔武元咺走而出此晉侯也其稱人何貶曷為貶衛之禍文公為之也文公為之奈何文公逐衛侯而立叔武使人兄弟相疑放乎殺母弟者文公為之也成十五年晉侯執曹伯歸于京師已白天子罪定不定自在天子故言已可知未可知者未得自天子也分別之者但欲明諸侯尊貴不得自相治當斷之於天子爾治及衛侯者叔武訟治於晉文公今白王者反衛侯使還國也春秋許人臣者必使臣使人子者必使子文公惡衛侯太深愛叔武太甚使兄弟相疑文公本逐之非故致此禍也

衛元咺自晉復歸于衛



自者何有力焉者也此執其君其言自何為叔

武爭也有力焉者有力於晉也言恃晉有屬已力以歸為叔武爭解文公助之意

諸侯遂圍許

曹伯襄復歸于曹

遂會諸侯圍許

二十有九年春介葛盧來

介葛盧者何夷狄之君也何以不言朝不能乎

朝也不能升降揖讓

公至自圍許

差穀無公

字秋左穀作翟

夏六月公會王人晉人宋人齊人陳人蔡人秦人

盟于狄泉

秋大雨雹

冬介葛盧來

三十年春王正月

夏狄侵齊

秋衛殺其大夫元咺及公子瑕

衛侯未至其稱國以殺何道殺也時已行天二命還國於道

路遇而殺之坐之與至國同

衛侯鄭歸于衛

此殺其大夫其言歸何歸惡乎元咺也曷為歸
惡乎元咺元咺之事君也君出則已入君入則
已出以為不臣也

衛侯歸殺無惡則元咺之惡明矣

晉人秦人圍鄭

介人侵蕭

冬天王使宰周公來聘

公子遂如京師遂如晉

大夫無遂事此其言遂何公不得為政爾

三十有一年春取濟西田

惡乎取之取之曹也曷為不言取之曹諱取同
姓之田也此未有伐曹者則其言取之曹何晉
侯執曹伯班其所取侵地于諸侯也晉侯執曹
伯班其所取侵地于諸侯則何諱乎取同姓之
田久也

本為霸者所還當時不取久後有悔更緣前語取之不應以得故當坐取邑

公子遂如晉

夏四月卜郊不從乃免牲猶三望

曷為或言三卜或言四卜三卜禮也四卜非禮

大音恭本
或俱作恭
兩付反
如字

也三卜何以禮四卜何以非禮求吉之道三禘
嘗不卜郊何以卜卜郊非禮也卜郊何以非禮
魯郊非禮也魯郊何以非禮天子祭天諸侯祭
土天子有方望之事無所不通諸侯山川有不
在其封內者則不祭也曷為或言免牲或言免
牛免牲禮也免牛非禮也免牛何以非禮傷者
曰牛三望者何望祭也然則曷祭祭大山河海
曷為祭大山河海山川有能潤于百里者天子
秩而祭之觸石而出膚寸而合不崇朝而徧雨

乎天下者唯大山河海潤于千里猶者何道
可以已也何以書譏不郊而望祭也三卜吉凶必有相奇
者可以決疑故求吉必三卜郊者所以祭天也
土謂社也方望謂郊時所望祭四方羣神日月
星辰風伯雨師五嶽四瀆及餘山川凡三十六
所諸侯所主狹故魯郊非禮也免牲者禮卜郊
不吉則為牲作玄衣纁裳使有司玄端放之於
南郊明本為天不敢留天牲也養牲不謹敬致
災傷天不饗用不得復為天牲故以本牛名之
免牛非禮者非天牲不當復見免但當內自省
責而已秩者隨其大小尊卑高下所宜禮祭天
牲角繭栗社稷宗廟角握六宗五嶽四瀆角尺
其餘山川視卿大夫天燎地瘞日月星辰布山
縣水沈風磔雨升側手為膚案指為寸言其觸
石理而出無有膚寸而不合也崇重也

春秋公羊傳

秋七月

冬祀伯姬來求婦

其言來求婦何兄弟辭也其稱婦何有姑之辭也

狄圍衛

于穀作於
十有二月衛遷于帝丘

三十有二年春王正月

夏四月己丑鄭伯接卒

衛人侵狄

秋衛人及狄盟

冬十有二月己卯晉侯重耳卒

三十有三年春王二月秦人入滑

齊侯使國歸父來聘

夏四月辛巳晉侯及姜戎敗秦于殽

秦下古說
有師字
殺本或作
肴戶交反
或戶高反

其謂之秦何夷狄之也曷為夷狄之秦伯將襲鄭百里子與蹇叔子諫曰千里而襲人未有不亡者也秦伯怒曰若爾之年者宰上之木拱矣爾曷知師出百里子與蹇叔子送其子而戒之

欽若街反鄉
深生褚詮之
音上林賦並
同徐音欽音
昭漢書音義
夫瞻反又本
或作厥向厥
五銜反音也
巖

隻本又作易
董仲舒云車
皆不還故不
得易輪職
穀作倚輪注
云倚輪一隻
之輪

日爾即死必於殺之嶽巖是文王之所辟風雨者也吾將尸爾焉子揖師而行百里子與蹇叔子從其子而哭之秦伯怒曰爾曷為哭吾師對曰臣非敢哭君師哭臣之子也弦高者鄭商也遇之殺矯以鄭伯之命而犒師焉或曰往矣或曰反矣然而晉人與姜戎要之殺而擊之匹馬隻輪無反者其言及姜戎何姜戎微也稱人亦微者何言乎姜戎之微先軫也或曰襄公親之襄公親之則其稱人何貶曷為貶君在乎殞

而用師危不得葬也詐戰不日此何以日盡也宰冢也嶽巖險阻隘勢一人可要百文王過之馳驅若辟風雨襲鄭所當由也揖師揖其父於師中介冑不拜為其拜如蹲或曰軍中語也或以鄭伯已知將見襲必設備不如還或以既出當途往矣然上議猶豫留往之頃也隻蹄也先軫晉大夫也言姜戎微則知稱人者尊矣詐卒也齊人語也卒七忽反

癸巳葬晉文公

狄侵齊

公伐邾婁取叢

秋公子遂率師伐邾婁

叢才工反左
作營婁穀作
營樓解云有
作鄒字者
率左穀作帥

晉人敗狄于箕

冬十月公如齊

十有二月公至自齊

乙巳公薨于小寢

賈霜不殺草李梅實

何以書記異也何異爾不時也

以禮節曰賦。深且難。必其前不收。是以賦出。神中。食胃不拜。為其拜收。賦。如曰。軍中詰。也。思。聖。若。韓。風。雨。奠。禮。祀。當。由。此。再。禮。其。公。公。率。家。也。是。氣。劍。用。益。獲。一。人。可。受。百。文。王。也。此。而。因。神。欲。不。爵。葬。也。若。雖。不。日。也。此。也。以。禮。也。

春秋公羊傳

文公

元年春王正月公即位

二月癸亥朔日有日之

天王使叔服來會葬

其言來會葬何會葬禮也

書天子之厚起諸侯之薄

夏四月丁巳葬我君僖公

天王使毛伯來錫公命

錫者何賜也命者何加我服也

桓是贈死之衣此乃朝祭之服

左穀無朔字

賈霜不殺草李梅實

春秋左傳

晉侯伐衛

叔孫得臣如京師

衛人伐晉

秋公孫敖會晉侯于戚

冬十月丁未楚世子商臣弑其君髡

公孫敖如齊

二年春王二月甲子晉侯及秦師戰于彭衙秦師

敗績

丁丑作僖公主

髡左作類

新本或作牙

作僖公主者何為僖公作主也主者曷用虞主

用絜練主用栗用栗者藏主也作僖公主何以

書譏何譏爾不時也其不時奈何欲久喪而後

不能也作練主以十三月文公欲喪三十九月不能也

三月乙巳及晉處父盟

此晉陽處父也何以不氏諱與大夫盟也諱去氏者

使若得其君然

夏六月公孫敖會宋公陳侯鄭伯晉士穀盟于垂

穀穀作穀
斂左作隴
斂

春秋左傳卷六

自十有二月不雨至于秋七月

何以書記異也夫旱以災書此亦旱也曷為以

異書大旱之日短而云災故以災書此不雨之

日長而無災故以異書也二云言也言有災也

八月丁卯大事于大廟躋僖公

大事者何大禘也大禘者何合祭也其合祭奈

何毀廟之主陳于大祖未毀廟之主皆升合食

于大祖五年而再殷祭躋者何升也何言乎升

僖公譏何譏爾逆祀也其逆祀奈何先禰而後

祖也

殷盛也五年再殷祭謂三年禘五年禘逆祀者文公緣僖公於閔公為庶兄升僖於閔上失先後之義故譏之曰後祖者僖公以臣繼閔公猶子繼父故閔公於文公亦猶祖也

冬晉人宋人陳人鄭人伐秦

公子遂如齊納幣

納幣不書此何以書譏何譏爾譏喪娶也娶在

三年之外則何譏乎喪娶三年之內不圖婚吉

禘于莊公譏然則曷為不於祭焉譏三年之恩

疾矣非虛加之也以人心為皆有之以人心為

皆有之則曷為獨於娶焉譏娶者大吉也非常

吉也其為吉者主於已以為有人心焉者則宜

於此焉變矣疾痛也非虛加之也者非虛加責

爾主於已者主於已身不如祭祀尚

三年春王正月叔孫得臣會晉人宋人陳人衛人

鄭人伐沈沈潰

夏五月王子虎卒

王子虎者何天子之大夫也外大夫不卒此何

以卒新使乎我也叔服來會葬在三年中卒君

秦人伐晉

秋楚人圍江

雨蝨于宋

雨蝨者何死而墜也何以書記異也外異不書

此何以書為王者之後記異也

冬公如晉十有二月己巳公及晉侯盟

晉陽處父帥師伐楚救江

此伐楚也其言救江何為斃諛也其為諛奈何

楚為救江也諛詐也以為其勢必當

四年春公至自晉

左楚下有
四守

夏逆婦姜于齊

其謂之逆婦姜于齊何略之也高子曰娶乎大

夫者略之也

不書逆者主名不言如齊不稱女賤不可以奉宗廟故略之

狄侵齊

狄楚人滅江

晉侯伐秦

衛侯使甯俞來聘

冬十有一月壬寅夫人風氏薨

五年春王正月王使榮叔歸舍且賜

命正本作

速故賈氏

云公羊曰

甯速是也

舍本又作

舍者何口實也其言歸舍且賜何兼之兼之非

禮也

口實孝子所以實親口也天子以珠諸侯以玉大夫以碧士以貝文家加飯以稻米

三月葬我小君成風

成風者何僖公之母也

王使召伯來會葬

召穀作毛

夏公孫敖如晉

秦人入郟

秋楚人滅六

冬十月甲申許男業卒

業正本作

春秋公三傳

六年春葬許僖公

夏季孫行父如陳

秋季孫行父如晉

八月乙亥晉侯謹卒

冬十月公子遂如晉葬晉襄公

晉殺其大夫陽處父晉狐射姑出奔狄

晉殺其大夫陽處父則狐射姑曷為出奔射姑

殺也射姑殺則其稱國以殺何君漏言也其漏

言奈何君將使射姑將陽處父諫曰射姑民衆

不說不可使將於是廢將陽處父出射姑入君

謂射姑曰陽處父言曰射姑民衆不說不可使

將射姑怒出刺陽處父於朝而走漏言殺之當坐君殺

閏月不告月猶朝于廟

不告月者何不告朔也曷為不告朔天無是月

也閏月矣何以謂之天無是月非常月也猶者

何通可以已也禮諸侯受十二月朔政於天子藏於太祖廟每月朔朝廟使大

夫南面奉天子命君北面而受之閏月所在無常故無政也朝者因視朔政無政而朝故加猶

七年春公伐邾婁

刺七亦及又七賜反

射音亦又音夜穀作衣

謹左穀作

胸左穀作
句

三月甲戌取須胸

取邑不日此何以日內辭也使若他人然

使若公春

伐邾婁而去他人自以甲戌日取之爾

遂城部

室穀作王

夏四月宋公王臣卒

宋人殺其大夫

何以不名宋三世無大夫三世內娶也

戊子晉人及秦人戰于令狐晉先昧以師奔秦

此偏戰也何以不言師敗績敵也此晉先昧也

昧左穀作
茂左穀無
以師字

其稱人何貶曷為貶外也其外奈何以師外也

何以不言出遂在外也

敵言俱無勝負先昧懷持二心有功欲還無功

便持師出奔故於戰貶之起其以師外也遂在外者生事成於竟外從竟外去也

狄侵我西鄙

秋八月公會諸侯晉大夫盟于扈

諸侯何以不序大夫何以不名公失序也公失

序奈何諸侯不可使與公盟朕晉大夫使與公

盟也

以目通指曰朕文公內則欲久喪而後不能喪娶逆祀外則貪利取邑為諸侯所薄

賤不見序故深諱為不可知之辭

朕音舜又伊
乙反又大結
反今又作朕
宮同字書云
朕曠也以恐
友

春秋公羊傳

冬徐伐莒

公孫敖如莒莅盟

八年春王正月

夏四月

秋八月戊申天王崩

冬十月壬午公子遂會晉趙盾盟于衡雍

乙酉公子遂會伊雜洛戎盟于暴

公孫敖如京師不至復丙戌奔莒

不至復者何不至復者內辭也不可使往也不

左穀無伊字
暴一作驟一
音甫沃反
左穀至下有
而字

可使往則其言如京師何遂公意也何以不言

出遂在外也

不可使往者安居不肯行故諱使
若已行但不至還爾遂公意者正

其義不使君命壅塞也遂在外者
諱使若從外來不敢復還者也

螺

宋人殺其大夫司馬宋司城來奔

司馬者何司城者何皆官舉也曷為皆官舉宋

三世無大夫三世內娶也

官舉以官
名舉言之

九年春毛伯來求金

毛伯者何天子之大夫也何以不稱使當喪未

君也踰年矣何以謂之未君即位矣而未稱王也未稱王何以知其即位以諸侯之踰年即位亦知天子之踰年即位也以天子三年然後稱王亦知諸侯於其封內三年稱子也踰年稱公矣則曷為於其封內三年稱子緣民臣之心不可一日無君緣終始之義一年不二君不可曠年無君緣孝子之心則三年不忍當也毛伯來求金何以書譏何譏爾王者無求求金非禮也然則是王者與曰非也非王者則曷為謂之王

者王者無求曰是子也繼文王之體守文王之法度文王之法無求而求故譏之也

不忍當位不忍當父位

夫人姜氏如齊

二月叔孫得臣如京師

辛丑葬襄王

王者不書葬此何以書不及時書過時書我有往者則書

晉人殺其大夫先都

三月夫人姜氏至自齊

晉人殺其大夫士穀及箕鄭父

楚人伐鄭公子遂會晉人宋人衛人許人救鄭

夏狄侵齊

秋八月曹伯襄卒

九月癸酉地震

地震者何動地也何以書記異也

先言動者喻若物之動地

以曉人

冬楚子使椒來聘

椒穀作秋

椒者何楚大夫也楚無大夫此何以書記有大

夫也始有大夫則何以不氏許夷狄者不一而

足也

許與也。足其氏。則當純以中國禮貴之。嫌夷狄質薄。不可卒備。故且以漸。卒。七忽反。

秦人來歸僖公成風之襚

其言僖公成風何兼之兼之非禮也曷為不言

及成風成風尊也

不可使卑及尊也。母尊序在下者。婦人有三從。夫死繫子

葬曹共公

十年春王三月辛卯臧孫辰卒

夏秦伐晉

楚殺其大夫宜申

女音汝本或作汝

屈居勿反又音厥左穀作厥貉音麥又戸各反又圖求阮反又音卷字林白萬反左穀作廩左叔下有仲字卻音際也左作筐

自正月不雨至于秋七月

及蘇子盟于女栗

冬狄侵宋

楚子蔡侯次于屈貉

十有一年春楚子伐圍

夏叔彭生會晉卻缺于承匡

秋曹伯來朝

公子遂如宋

狄侵齊

冬十月甲午叔孫得臣敗狄于鹹

狄者何長狄也兄弟三人一者之齊一者之魯一者之晉其之齊者王子成父殺之其之魯者叔孫得臣殺之則未知其之晉者也其言敗何大之也其日何大之也其地何大之也何以書記異也長狄蓋長百尺關中記云秦始皇二十六年有長人十二見於臨洮身長百尺皆夷狄服是時初并六國以為瑞乃收天下兵器鑄作銅人十二象之十有二年春王正月盛伯來奔盛伯者何失地之君也何以不名兄弟辭也

一郟左穀作

春秋左傳

杞伯來朝

二月庚子子叔姬卒

此未適人何以卒許嫁矣婦人許嫁字而笄之死則以成人之喪治之其稱子何貴也其貴奈何母弟也

夏楚人圍巢

秋滕子來朝

秦伯使遂來聘

遂者何秦大夫也秦無大夫此何以書賢繆公

也何賢乎繆公以為能變也其為能變奈何惟

諛諛善諍言俾君子易怠而況乎我多有之惟

一介斷斷焉無他技其心休休能有容是難也

諛諛淺薄之貌。諍猶撰也。能撰善言也。我秦伯自我也。言況於我之懷其善言無算故曰多有之也。一介猶一槩也。

冬十有二月戊午晉人秦人戰于河曲

此偏戰也何以不言師敗績敵也曷為以水地

河曲疏矣河千里而一曲也

二國之君數與兵相伐戰無已時故

不言及不別曲直而地以河曲明兩曲也。以水地者謂以水曲折起地遠近所在也。

諛在淺反又
于淺反又音
諛諛善作載
諍在井反本
或作諛諛
及又必淺反
本又作諛七
全及又什勉
交

遂左穀作術
亦有作述者

運左穀作
即後皆爾

季孫行父帥師城諸及運

十有三年春王正月

夏五月壬午陳侯朔卒

遠穀作遠

邾婁子遠條卒

自正月不雨至秋七月

世左穀作
大音太

世室屋壞

世室者何魯公之廟也周公稱大廟魯公稱世室羣公稱宮此魯公之廟也曷為謂之世室世室猶世室也世世不毀也周公何以稱大廟于

一本魯拜
後無公

綱音剛詩
作剛
盛成政反
又音成憲
徒報反一
本作濤

魯封魯公以為周公也周公拜乎前魯公拜乎後曰生以養周公死以為周公主然則周公之魯乎曰不之魯也封魯公以為周公主然則周公曷為不之魯欲天下之一乎周也魯祭周公何以為牲周公用白牲魯公用騂牝羣公不毛魯祭周公何以為盛周公盛魯公燾羣公廩世室屋壞何以書譏何譏爾久不脩也周公德至重功至大嫌之魯恐天下迴心趣鄉之故封伯禽命使遙供養死則奔喪為主所以一天下之心於周室爾白牲殷牲也不敢與文武同也騂牝赤脊周牲也從周制以脊為差也不毛不純色所以降

左穀會下有公字

於尊祖也。為盛之盛。桑盛也。在器曰盛。周公盛之盛。新穀也。燾者。冒也。故。上以新也。周公盛。謂新穀滿其器。魯公燾。謂下故上。新廩者。連新於陳上。財令牛相連耳。

冬公如晉衛侯會于沓

狄侵衛

十有二月己丑公及晉侯盟還自晉鄭伯會公于

斐

還者何善辭也。何善爾往黨衛侯會公於沓至

得與晉侯盟及黨鄭伯會公于斐故善之也。

也。所猶時齊人語也。文公前扈之盟不寧。後能救鄭之難。不逆王者之求。上得尊尊之義。下得

解患之恩。一出三為諸侯所榮。故加錄於其還時。皆深善之。

十有四年春王正月公至自晉

邾婁人伐我南鄙

叔彭生帥師伐邾婁

夏五月乙亥齊侯潘卒

六月公會宋公陳侯衛侯鄭伯許男曹伯晉趙盾

癸酉同盟于新城

秋七月有星孛入于北斗

孛者何彗星也。其言入于北斗何。北斗有中

孛音佩徐一扶憤反

左還上有公字斐左穀作斐

春秋左傳卷六

何以書記異也中者

公至自會

晉人納接菑于邾婁弗克納

納者何入辭也其言弗克納何大其弗克納也

何大乎其弗克納晉卻缺帥師革車八百乘以

納接菑于邾婁力沛若有餘而納之邾婁人言

曰接菑晉出也繹且齊出也子以其繹則接菑

也四繹且也六子以大國壓之則未知齊晉孰

有之也貴則皆貴矣雖然繹且也長卻缺曰非

吾力不能納也義實不爾克也引師而去之故

君子大其弗克納也此晉卻缺也其稱人何貶

曷為貶不與大夫專廢置君也曷為不與實與

而文不與文曷為不與大夫之義不得專廢置

君也出外孫也。指手指。四六俱不得天之正性。一云。接菑猶人之四指。繹且猶人之六指。

言此者。喻皆庶子矣。

九月甲申公孫敖卒于齊

齊公子商人弑其君舍

此未踰年之君也其言弑其君舍何已立之已

接在妄反。又如字左。觀作徒。

厥於甲反。又於輒反。

春秋左傳卷六

殺之成死者而賤生者也成死者之君號以賤商人之所為

宋子哀來奔

宋子哀者何無聞焉爾

冬單伯如齊齊人執單伯齊人執子叔姬

執者曷為或稱行人或不稱行人稱行人而執者以其事執也不稱行人而執者以已執也單伯之罪何道淫也惡乎淫淫于子叔姬然則曷為不言齊人執單伯及子叔姬內辭也使若異罪然以已執者自以大夫之罪執之非為國事也若異罪然深諱使若各以他事見執然

十有五年春季孫行父如晉

三月宋司馬華孫來盟

夏曹伯來朝

齊人歸公孫敖之喪

何以不言來內辭也脅我而歸之筍將而來也

筍者竹篋一名編輿齊魯以此名之曰筍取其尸置編輿中將送也

六月辛丑朔日有食之鼓用牲于社

單伯至自齊

晉卻缺帥師伐蔡戊申入蔡

入不言伐此其言伐何至之日也其日何至之日也

秋齊人侵我西鄙

季孫行父如晉

冬十有一月諸侯盟于扈

十有二月齊人來歸子叔姬

其言來何閔之也此有罪何閔爾父母之於子

雖有罪猶若其不欲服罪然

齊侯侵我西鄙遂伐曹入其郭

郭者何恢郭也入郭書乎日不書入郭不書此

何以書動我也動我者何內辭也其實我動焉

爾恢大也齊侵魯魯為子叔姬故動懼失操云爾鄉者不去幾入我郭故舉入郭以起魯恥

十有六年春季孫行父會齊侯于陽穀齊侯弗及

盟

其言弗及盟何不見與盟也

為叔姬故中見簡賤不見與盟

夏五月公四不視朔

公曷為四不視朔公有疾也何言乎公有疾不

視朔自是公無疾不視朔也然則曷為不言公

犀左作鄒
穀作師疏
作苗

無疾不視朔有疾猶可言也無疾不可言也

六月戊辰公子遂及齊侯盟于犀丘

秋八月辛未夫人姜氏薨

毀泉臺

泉臺者何郎臺也郎臺則曷為謂之泉臺未成
為郎臺既成爲泉臺毀泉臺何以書譏何譏爾
築之譏毀之譏先祖爲之已毀之不如勿居而
已矣

楚人秦人巴人滅庸

冬十有一月宋人弒其君處白

弒君者曷爲或稱名氏或不稱名氏大天弒君

稱名氏賤者窮諸人大夫相殺稱人賤者窮諸

盜降大夫使稱人降士使稱盜者所以別死刑有輕重也

十有七年春晉人衛人陳人鄭人伐宋

夏四月癸亥葬我小君聖姜

聖姜者何文公之母也

齊侯伐我西鄙

六月癸未公及齊侯盟于穀

聖左穀作
辭

犀左穀作
於

古文卷六

齊侯伐我西鄙

夏四月

十六

諸侯會于扈

魯公至自穀

公子遂如齊

十有八年春王二月丁丑公薨于臺下

秦伯罃卒

夏五月戊戌齊人弑其君商人

六月癸酉葬我君文公

秋公子遂叔孫得臣如齊

冬十月子卒

子卒者孰謂謂子赤也何以不日隱之也何隱

爾弑也弑則何以不日不忍言也所聞世臣子

厚故不忍言其日與子般異

夫人姜氏歸于齊

季孫行父如齊

舊弑其君庶其

稱國以弑何稱國以弑者衆弑君之辭一人弑

人人盡喜故舉國以明失衆當坐絕也

皇明天啓元年春正月烏程閱齊伋遇五父我

